

## Á MESA DO PARLAMENTO GALEGO

O **Grupo Parlamentar de Alternativa Galega de Esquerda**, ao través da súa deputada **Yolanda Díaz Pérez**, ao abeiro do disposto no artigo 160 do Regulamento da Cámara, presenta a seguinte **proposición non de lei para o seu debate na Comisión I**, relativa ao xulgado de vixancia penitenciaria de Lugo.

### Exposición de motivos

As carencias que sofre a administración pública de xustiza galega lesionan aos dereitos da cidadanía a dispor dunha xustiza efectiva e agravan as condicións de traballo do persoal público e dos profesionais dese sector.

Alternativa Galega da Esquerda presentou xa varias iniciativas relativas á situación do partido xudicial de Lugo, que necesita da creación de novos órganos xudiciais, do mantemento e ampliación dos reforzos e dunha meirande dotación técnica e económica para poder prestar nas debidas condicións un servizo público esencial.

No eido do xulgado de vixancia penitenciaria de Lugo hai que sinalar o descomunal aumento dos asuntos pendentes ao remate do ano 2013, que como recolle a memoria dos xulgados e tribunais galegos pasou de 374 asuntos pendentes a 950. Todo elo nun contexto xeral no nivel galego de incremento dos asuntos pendentes (de 1.921 a 2.710, alza no que a situación do xulgado de Lugo é determinante).

Cómpre unha actuación da Xunta inmediata para remediar estas eivas. Por todo elo, o grupo parlamentar da AGE presenta a seguinte proposición non de lei para o seu debate na Comisión:

- O Parlamento Galego insta á Xunta a reforzar a plantilla e os medios materiais do xulgado de vixancia penitenciaria de Lugo.

En Compostela, a 12 de marzo do 2015.

Asdo. Yolanda Díaz Pérez

**Asinado dixitalmente por:**



**Yolanda Díaz Pérez na data 12/03/2015 14:49:22**